


後村先生大全集

三五





未嘗一語相處人謂公私難謂人謂公私難相一見可見是莫外  
昔人者多擬韓詩人謂予立責願矣之此年大國頤木已  
未嘗行好至代見特不之悟天矣得而出平數萬圓近畿  
夙流或謂雲發先春日乘其氣出平數萬圓近畿  
未嘗行好至代見特不之悟天矣得而出平數萬圓近畿

事

種道碑

一十四百一十二



激則烈矣宗廟為墟神御驚動車駕當臨奉廟哭當與行罪已之詔當哀痛然猶避忌回互殿步二帥知有陛下宮室知有大臣私第而不知有宗廟非所以忠陛下愛大臣也夫有大感悟必大更張今貪酷之吏滿天下皆曰權勢疵之苞苴啓之參選者仲縮於吏胥之手于堂者奔走於廝役之門大臣知之否乎壬辰輪對曰一春多寒二月暴雪流星畫湏太白經天浙江東湖旱勢綿潤近畿得雨復慮浸淫在我既無決裂更革之規模在天在人亦有遲回未解之證應又言開闢以來有常道進賢退不肖賞功罰罪是

也今進退賞罰一切反常宜盡拔臺來之士布滿周行母植蕭艾盡遣星鳳之彥參錯方岳母用虎狼如逋者起忠綆斥苛俗孰敢不伏為真公袁尹發也時在廷喑嘿二疏出如鳳之鳴陽韶之間齊焉同輩多已超擢公獨久次積六歲纔為博士癸巳十月相薨舊學爰立公輪對首先去臺諫副封勉宰執同心令中外薦剡得自舉復近臣宴見百官集議舊制次言居憂者汲汲起復舉世無孝子注闕者汲汲奏辟舉世皆奪士嗜進者往往因輿臺以通權要舉世無知廉恥之人宜作而新之上既攬威柄親擢不附相者

後林先生大全集

易見堂

寄以耳目先用洪公咨夔王公遂明年改元端平復以公及李公宗勉為監察御史然後相之私黨悉去弊事一清端平之盛幾及元祐至今尚論當時之名臺諫公必預焉公擢嘉泰三年進士第自永春尉注寧德丞改定海縣三石橋酒庫教授梅州知南海縣通判肇慶府知循州未上自市轄遷官告院太常寺簿宗學博士樞密院編修官初入臺北事動公極諫曰故相當國二十七年於法當敗所以不敗者用兵一事猶能謹重必迫而後動故雖敗而猶存暮年輕信兄子交韁減金其謬甚矣今更化未數月而遽欲

收古人七年卽或十年生聚教訓百年勝殘去殺之功謬不愈甚乎宜備沿江守備增一重藩籬戒三帥常退思郤顧疏夜入詰旦上袖示大臣三京告捷公方監太學解試考官欵以長安復見官軍命題公曰吾方累疏諫止君等乃以一題從臾乎未信宿報三帥逐旆矣公懷不自己言輕舉之誤小遂非之誤大今移兩淮糧械於邳徐唐鄧等州猶循危轍冀雪前恥昔斜川之退孔明責已枋頭之辱元溫遷怒愈變愈差不可不慮盍移戰力為守謀又論時事曰故相久病楮幣窮而不變羽書急而不報注擬壅而不

行一旦更張內則委一樞臣候忽之頃空內府累世  
金寶百萬之藏而楮錢自若外則八陵之圖甫南馳  
而三帥之旆已北指矣矧收召廣進用驟有一月而  
數遷者前日之病在於緩今日之病在於速矣二年  
貢舉敕榜有不敢諱之語公奏諱為今日大患恠  
不足慮恐有以直為怪者乞詔主司專默諱安又言  
元祐轉為紹聖尚待八年嘉定變局開禧小人終身  
屏迹十年之後方見不克終之漸今改絰未再朞已  
疑為善之迂用賢之無益臣謂北事違衆而動是賢  
者之言未用也真某貴志而沒是賢者之志未行也

然則將取其不賢者而困之不善者而行之歟自禁  
旅閨間言人上歎治効不進思舊人未已公爭曰慶  
歷初盜起東南西兵未解仁宗之所選任不過杜范  
韓富有如竦輩起復到念又曰昔王安石變法先結  
張若水藍元振輩以為腹心及上遣二人視府界所  
行青苗皆云民便樂之今小人不過用安石故智奈  
何在其術中乎又言陛下待過定策之臣不為文宣  
二帝之少恩足矣今札諭群臣曰朕欲保持汝母據  
撫不亦異乎尊崇本生之親一遵英孝二祖之故典  
足矣今營繕甲第高大寢園不亦異乎官守窟穴不

室左道出入無間小官鹽賞至煩御封道宮事目上達天聽比尤異也孟子曰惟大人為能格君心之非獨不能如先正對中使焚內批乎或使之回奏曰臣某以為不可乎近臣或薦某人有才者公曰自古小人自持一論自為一黨今能為君子之言緇君子之交蓋有君子而庇小人者矣在言路二年諫疏盈篋皆力扶世道之命脈切中時賢之膏肓余著其大旨如此其冬除秘書少監三年遷監遂為起居舍人兼直舍人院起居郎中書舍人嘉熙初元除權吏部侍郎遷給事中由御史八遷皆兼史職公雖出臺然歲

中轉對一直前奏事三進已見二其於宮禁言動廟堂除授賢佞去留否泰消長之際指陳愈峻論建深廣韁北歲入寇公言大臣操舟主病者也若先停惶動色同舟同室之人將若之何宜凝定志慮以應事變時迫禋祀乞邊報非時奏御且引宣和恐妨恭謝事以諷藏事之夕大雷雨公曰陛下本以好賢受諫諫官御史如奕碁此致異之大者丁酉大公歷數時弊尤切於辛卯之疏在詞掖韓休除節度使致仕公封還曰此日后家一門雙節議者猶謂曷不移此碁

戰士以取韃首之首今休一賓贊之臣爾畀以旄鉞  
如祖宗舊典何命遂寢闥美人進封親屬加恩者一  
百餘人公諸侯三邊稍寧然後舉行在蹟闥余天錫  
召且大用近臣多先通殷勤公駁論曰閨樂土以處  
天錫足矣召之徒使陛下有私故人之名言若必起  
而攻之非所以愛天錫也疏入喬丞相以繫遵上意  
趣書讀公已疾堅執如初越數日卒七月十有一日  
也年六十七遺表聞自朝議大夫贈通議大夫前碩  
人林氏知賓州寶儉之女繼莊氏知化州端之女一  
子南叟承務郎新監泉州舶務二年十二月胡莫

公於石室祖塋兩頑人先後祔焉丁氏自固始遷莆  
曾大父履大父士睦父瑤成贈奉直大夫母葉宜人  
公字元暉上有六兄皆負俊聲而公尤工聲律傳誦  
人人骨髓然素清修不以藝掩德親喪廬居三年乃  
歸既中春官臨奉大對聞兄訃慨然馳歸日進身之  
始詎可為欺雖村無數人場屋自謀一卷而已曰吾  
平生無悖人亦未嘗芸人也既仕薦書皆人求公非  
公求人方其在韋布燈窓之下米鹽簿書之間固已  
珪璧元身冰檗細行矣至於自重不掃光範之門中  
立不陷牛李之黨居風憲他人畏之搖手忽及者必

奉白簡以聞任封馭它人當之運筆如飛者必曰臣不敢奉詔植立之高奮發之勇自其平日之有所不為有所不取者基之也嗟乎彼相之智曾不足以量甫士烏足以量公哉余疇昔厚公宰上之碑蓋已心許至是南叟彙奏藁來曰石室之木拱矣銘不可以復需矣銘曰皇初元之解瑟兮闢久塞之言路揭果日於中天兮散冰山之趨附盖枚卜而得公兮迺親拔以自助偉百奏之剴切兮信千齡之會遇孰不云端平兮視元祐其殆庶幾拊往事而太息兮有余心所未喻考察司空之碑兮倍前代之黨錮質元

城翁之論兮曰全人之有數自嘉熙之建號兮懷向背之異趣中人翕忽而改化兮賢者亦一來而一去惟公屹其間兮障黃流之犇注前見疏於荆舒兮後未嘗密於馬呂人莫不有所主兮臣所圭者君父運方際於風雲兮疾忽罹於霜露彼浮榮奚足算兮獨令名之不腐余將書道旁之碣乎嗚呼端乎全人丁公之墓

杜尚書

公諱果字子昕曾祖父記提舉江西常平大父鐸知萬載縣贈大中大夫刑部郎中贈開府儀同三司母

陳宜人贈吉國夫人杜氏本京兆萬年至提舉公始居邵武公少與兄東第來場屋齊名而獨見禮於禮部以父任侍通州海門貢納鹽場闕潘提舉友文檄攝建陽尉抨提法行公面責潘曰公奉新書大過八郡騷動矣潘愧謝稍弛其禁陳提刑彭壽檄攝閩尉甲子死誣乙殺之公驗屍於髮中得砂視甲舍傍有池砂類髮中者鞠問子果溺死已乃得釋至海門謁鹽使豈公有俊曰小官惟冒於貨者當譴責情可矜力不建者教之可也奈何皆臨之以威乎豈公悚然遂為知己李公珏制置江淮羅致幕下滁受兵檄

公與同幕王好生提偏師往援甫至民散野隔壕哀鳴求入避滁守固拒公啓餉納之虜圍城數重公登陴中二矢益自奮厲士氣百倍虜技窮去犯齊安李公會合援兵幾十萬未至虜解去兵在道不相統壹且潰亂李公曰非子昕無可行者公求制劄二十道以行先以帥命喝犒擇諸將尤桀黠者出一劄抽回喻時又抽一軍不二日諸軍悉回無敢譁者李公累奏公後滁功不報公從李公與之終始豐公建西閫辟梁縣胡公覩總西飼辟鳳臺酒官皆力辭海門秩滿調江山丞畿漕朱公在辟監崇明鎮崇明改隸東

總與岳總領珂議不合慨然引去岳出文書一卷曰  
京刺也公曰比而得禽獸雖若卽凌弗為岳怒公曰  
可効者文林不可強者杜某岳遂以欠蘆錢効朝廷  
察蘆錢無虧二効皆寢西聞曾公式中辟廬州節推  
浮公兵變公單騎往戮止渠魁守將爭餉金幣公封  
貯一室將行屬郡丞鄭準悉送之安豐守告戒將扇  
搖軍情且為變帥欲討之公曰是激使教也請與兩  
卒狂呼將諭之日而果無它可持吾書詣制府將即  
日行一軍帖然知六安縣新社壇學宮罷元夕燈歲  
歎諭富家曰吾不損米直若但出耀吾依市直為民

代償三之一全活者衆邑有劇盜二設賞獲之帥方  
姑息盜竊語曰吾不失在制置帳下公命杖死縣庭  
而以專殺自効民有嬖其妾者治與二子均分二子  
謂妾無分法公書其牘云傳曰子從父令律曰違父  
教令是父之言為令也父令子違不可以訓然妾守  
志則可常享或去或終當歸二子李提舉衍覽之擊  
節曰九州三十三縣令之最也知安遠縣考舉及格  
免班幸改通直郎逆全犯邊季公時已帥廬州公濂  
倅上以公久習邊事擢知濠州趙大使善湘謀復肝  
昭密以訪公公曰賊恃外援當斷盱泗浮梁以困之

卒用公策成功女真數萬厚齎駐渝林阜請降或請誘而圖之公曰殺降不仁奪貨不義納之則有後患諭遣其衆秩滿令奏事端平初元過廬謁全帥子才曰北伐不可止矣公必有以監凝其後者全曰以淮西兵守潼關以淮東兵守黃河公始為之隱憂除主管官告院知安豐軍三帥出師除公淮西運判公曰昔張魏公督師以趙開主計今日諸公無愧于先正趙開之任僕豈其人詔廷紳邊臣各條戰守公封上曰沿淮早望不任征役中原赤立無糧可因若虛內事外移南實北腹心之地必有可慮方草奏客曰內

歲當仕子不為賢郎地乎公笑不答大使桔舟載糧公曰師連陸而糧用舟緩急必相差池請以夫運大使許之既而劾公調夫頃擾沮撓軍事削兩秩罷時在外諫北伐者惟公一人及鋒鋩洛陽退師保境兵釁遂開不可復合人始伏公先見奉崇道祠復元官再知濠州未行改安豐韃謀入寇公曰此虜常先取一城為家基寨然後深入順昌為豐壽屏蔽而夏在淮北兵寡餉艱使虜得之二州危矣以白制司命幕客沈先庚遷其軍民士庶航錢粟迓之虜果大至我舟已盡泊南岸崔文舉范用吉二叛憤咤以俚語詈

卒用公策成功女真數萬厚齎駐榆林阜請降或請誘而圖之公曰殺降不仁奪貨不義納之則有後患諭遣其衆秩滿令奏事端平初元過廬謁全帥子才曰北伐不可止矣公必有以監凝其後者全曰以淮西兵守潼關以淮東兵守黃河公始為之隱憂除主管官告院知安豐軍三帥出師除公淮西運判公曰昔張魏公督師以趙開主計今日諸公無愧于先正趙開之任僕豈其人詔廷紳邊臣各條戰守公封上曰沿淮旱蝗不任征役中原赤立無糧可因若虛內事外移南實北腹心之地必有可慮方草奏客曰內

歲當任子不為賢郎地乎公笑不答大使桔舟載糧公曰師遵陸而糧用舟緩急必相差池請以夫運大使許之既而劾公調夫頃擾沮撓軍事削兩秩罷時在外諫北伐者惟公一人及鋒鋩洛陽退師保境兵釁遂開不可復合人始伏公先兄奉崇道祠復元官再知濠州未行改安豐羣謀入寇公曰此虜常先取一城為家基寨然後深入順昌為豐壽屏蔽而夏在淮北兵寡餉艱使虜得之二州危矣以白制司命幕客沈先庚遷其軍民士庶航錢粟迓之虜果大至我舟已盡泊南岸崔文舉范用吉二叛憤咤以俚語詈

公曰吾欲取此城乃為老賊所先休看它城子矣順昌軍民駐壽陽復運米二萬斛楮七萬飼之衆感悅忘其遷焉又謂兩城相望其間當有小城以接聲援益繕安豐縣城使沈先庚戍之虜未攻不克殺其將塗金朱祐者二人虜去縣圍郡城公使聶斌布重兵守禦趙諒提輕騎攻刦四隅設伏城中晝無人聲虜登高望之莫能測公出其不意開闊廬擊虜麾其下曰南兵狼速返勿留赤老國王者大掠淮東厚裝而歸公曰是可擊也命順昌守樊辛率死士刦虜帳俘獲萬計奪馬四百匹亂屍中有腰木牌書皇弟國王

者虜法賞木牌在金銀牌之右夕刦二寨晝中醜類潰散猶以番書求止馬五百公六世祖待制公祀守慶州元昊求降人孟番報曰償所掠則返孟番夏人不肯償我亦不與孟番北人謂我為慘爾為您公用待制公遺意効北音檄答之云您還鹵掠慘還慘慘馬您不還時慘也不還您虜遁去端平丙申冬也明年嘉熙改元公益為備浚舊濠築外郭其冬虜必欲得城掃地而至大設攻具以火炮焚樓橹公隨壞隨補以八都魯硬軍所排叔木八都魯公皆危因使之攻城自贖所破甲以牛革十餘重為之設面簾以障

矢公募善射用小箭專射其目盡殪之虜者填瀛為  
二十七塊分公兵扼塊虜乘東南風縱燎公禱天求  
助俄而反風雨雪驟至公謂古人多乘風雪破賊而  
四面圍合乃募猛士奪塊路出兵將士皆奮躍死戰  
殺紫泥金團龍袍者降人云葉國大王也焚虜砲座  
攻具至明日皆盡先是城闕援師前鋒惟地帥呂文  
德突圍入叶力桿禦庚牌調肝貽守余公瑜及趙東  
夏畢赴援濠倅趙希瀝監夏趙軍公以壘書約夾攻  
虜潰至捷奏至二年春矣君相動色相賀擢軍器監  
進三秩御杞云朕聞安豐被兵不皇寢食知卿守禦

勞苦指畫有方朕為少寬今援兵已集其費率諸將  
掃蕩寇據以安淮右賜卿金器諸將各金碗一在城  
將士及淮東援兵以京會三十萬支犒公率三軍拜  
詔感泣壽春守張可大惎公百計憾搖吳公潛素奇  
公適在都曾主之力陳檢詳力修始同在圍中至是  
亦昌言公熟勞於朝丞相李公宗龜參政徐公榮叟  
皆有賞未酬勞之語會謀西帥咸曰母以易杜某詔  
以安撫兼廬州推大府卿淮西制置副使兼漕虜使  
王鐵來續和議公曰虜將察罕有言撤花自撤花廝  
殺自廝殺和可恃耶督帥史嵩之主和怒形辭色虜

縱重堯臣歸督府以擒獲聞公抗章非之謀言虜下令三年母南牧嵩之信之調八月未動眞不來矣公曰是將歎我其來必速九月察罕果率十七項人馬號八十萬挾叛賊范用吉輩傳城下約先破盧然後造舟巢湖以窺江於壕外築土城周六十餘里穿兩壕攻具皆數倍於犯安豐者公與客登城四郊鐵騎極目無際客股慄公曰吾必破此虜衆欲備金雞嘴公曰宜先舒城門虜果來攻郤之公欲增一重防耗亦於城內築土城虜日夕用攢砲攻打我特串樓為固虜築樓乃高於樓城危甚宿將有涕出者公以油

灌草即惧下燎之頃刺與樓高者皆為燐火又於串樓內立雁翅七層鐵砲中惧上一首衆賊扶去日王子也乘勝出戰虜不能支追蹤數十里骸骨繼橫器械委臺柱謂劉鑄順昌吳玠和尚原之捷不是過地御札云卿郤敵金城勤勞懋著擢吳部侍郎陞使名漕副賜對衣金帶進三秩有回回來降云慮初用女真漢軍不勝用回回又不勝乃用真韓亦折三十餘人初二城圍閉累日內外隔絕傳說萬端謂公必蹈徐禧李稷之禍雖素所親善亦憂其為張睢陽南矣一旦奏凱全璧出人意表識公者舉杯相慶未識

者亦願為之執鞭虜攻城專恃砲為長技以數百人  
拽一砲中樓櫓立碎壕深者運木石不足驅人填之  
公始用順昌倅王安策作串樓以擋砲其用法栗棗  
榆槐堅木二三尺圍者列壕岸入土五六尺高丈餘  
上施橫木中設箭窓下繚以羊馬牆凡圍樓方樓一  
砲即毀惟串樓可支三砲率先造千百間隨虜所攻  
施之壞則易王安者先在河北城守皆以串樓自全  
公又以古防城戎器多不應手創智造鵝梨砲三引  
弩砲可手用弩可及千步為平底船載勁卒勦填壕  
者公著數每先於虜計畫常周於事賊技一不得施

二城既捷於安豐得虜屍萬七千於盧得虜屍二萬  
六千獲虜砲車雲梯弓弩器甲不可計公每上功必  
曰安豐之役呂文德聶斌功也盧之役將帥王鑑聶  
斌參佐黃夢桂趙希靜功也臣何力焉又終始為王  
安論串樓功它將校寸勞必旌因公取爵賞者甚衆  
公勲名日盛人心所向惟嵩之以所遣援兵失期又  
恥前言不驗至是調曹順聶斌各以五千人斷賊歸  
路公曰虜回戈則城危矣摘四千人付曹順而留聶  
斌不遣旦言曹順必敗公事嵩之効公擁兵自衛以  
堅城自守為是以野戰為非公奏云此賊驍捷衆多

臣實不敢以野戰為是且言督府近遣祝邦達援廬  
未戰而潰僅以身免又聚兵援滻僅達宣化往失  
伍委械而去淮西精兵有限即野戰不如人意何以  
收穡嵩之令參議官丁仁來調兵公曰督相昔欲和  
今欲戰何也丁曰和自是上意公曰善則稱君奈何  
歸過於上因抗疏乞罷上諭公安職母費朝廷區處  
曹順者遇虜安豐境內全軍覆沒悉如公言三軍累  
疏請老御札曰卿老成忠實寬朕顧憂宜為勉留以  
副注倚臺臣承風旨論公挑釁致寇公待罪詔書諱  
諭而止虜將大舉刷前恥廟堂問策公曰必破之督

府曰去歲難敗歸不肯追擊今傾國來謂必破之何  
也公曰兵家之數不可先傳患賊不來眾非權所乃  
練舟師扼淮河遣庶監呂文德聶斌軍伏精銳於要  
害虜所主過伏我師二十七捷大戰于朱臯四塲俘  
馘無數獲首妻黃金鎧甲駝馬或問公何以策其必  
敗公曰力守淮河所以汎其道也彼自信陽至此已  
半月糧盡力憊宜為我禽捷奏至御札曰羽書來上  
謂難且徧淮右矣朕懷枹不怡感見顏面未幾督府  
以卿牘聞朕且喜且疑吾兵何神耶徐攷捷奏守堅  
壁之今行招降之策用襲擊之師婦可謂差強人意

矣朕臨軒不竟失喜再三嘉歎擢權刑部尚書賜衣  
帶鞍馬四年以疾已去不允歲饑公告耀江右米艤  
銜尾而至淳祐改元乞去愈力擢工部尚書賜鞍馬  
衣帶仍佩魚公念久去鄉國扁舟徑歸而嵩之入相  
知劉晉之于公有憾薦為御史使甘心于公晉之首  
上流誣訛以真學士奉祠或言虜謀自安南幹腹上  
欵起公師桂嵩之風臺臣重劾御槩宣諭曰杜某兩  
有守城功若脫兵權便有後禍則朕何以使人二年  
差知太平州舜至六十七上愈欵用命紹瑞論晉之  
擢華文閣學士沿江制置使知建康府行宮晉守節

制安慶和無為三郡罷楊林堡以其費備歷陽淮民  
寓沙上者獲以舟師謁程淳公祠總所即南軒推酒  
公曰此張宣公講學地也陳像設櫟田祀焉置貢士  
庄蠲民租二萬八千石虜哨儀貢東間不能授詔公  
勿以秦越為心公朝被旨午戒器越宿至今庶興聶  
斌提兵八千入城虜見公名旗曰此安豐廬州杜制  
置耶黎明解去追擊敗之進敷文閣學士以庶知貢  
州公曰上畀汝邊郡宜勇往緩急吾親提兵援汝勉  
之三年中使鄧喬年傳宣撫問賜纈羅牙笏金帶香  
茶四年除刑部尚書不許辭免公念仕三十餘年列

從橐亦七載未得一瞻天表不敢辦肉引玉音獎勞  
云卿累任邊閫宣勞不易公奏四事一曰才難而知  
兵之才尤難宜素儲不可猝求二曰屯兵勞州兵逸  
然州兵月廩四倍宜稍補助屯戍兵而存州兵半額  
別收精銳屬之察院三曰賞典太嚴四曰去益當於  
其微宜選尉塞卒長滿三年能捕獲者與捕授上問  
淮事又詢邊頭諸將皆以實對因乞放歸山林以全  
晚節上曰說未到此公乃就職兼詳定勅今一曰以  
獄讞廟堂始難之卒如公議兼吏部尚書時注授難  
但公隨資格稍通其礙銓綜為清每坐曹吏部主令

抱牘僥進公曰鉉法一定刑辟人命所係命刑部先  
之梁成大子賂當國求鉉試公曰昔沈繼祖論朱文  
公成大亦論真文忠公皆得罪名教者子孫宜廢銅  
安得仕嵩之遣給使道意公峻拒之御書三堂扁曰  
安淮曰嘉喜曰敷忠命左瑞持賜奎墨猶濕榮動一  
時朝家更化議以公建聞護詩將嵩黨胡某猶在朝  
三疏論公上不得已進徵猷閣學士奉祠胡後遷宗  
少徐舍人元杰封還除日曰侍從名臣妾加諭列其  
為公議所予如此公歸治小圃日與客樓行松菊淪  
茗清談曰吾今而後知閑居之樂六年請老詔不允

再疏進一秩陞寶文閣學士致仕郡憂潦公發私廩具告罷于盱江明年春穀貴公下其直以倡營卒舊有月借郡貧不予貸以私錢今師相鄭公當軸知公忠實極參吳公潛念公勞舊擢庶守邕且將召公或者危之公亦不欲出矣八年三月得癆下疾自筮得離之噬嗟其繇曰日昃之離不跛足而歌則大耋之嗟凶曰吾不起矣自草遺表豫言以深衣斂母用繙黃公待外甥任明之如子命以遺表恩奏賜金於内外親戚郡有貢士莊薄甚公欵勤私田未果以屬二子所貸營卒錢百萬令勿償疾革謂二子曰此曾

元執燭曾子易箦之際其夕薨六月二十七日也卒七十六積官光祿大夫爵揚子縣開國子公告於舍後手植二梧茂盛將薨之月一自枯一拔於風人謂木稚哲萎之驗上方思公前功進龍圖閣學士而公已薨遺表聞上方思贈開府儀同三司賈足兩三百娶李氏紹興侍郎陵之孫先公三十八歲薨贈渤海郡夫人子二人庶奉直大夫改差知潮州廉奉直大夫江西安撫司幹官女二人長適文林郎崇安尉趙崇林次未行皆已卒孫三人蕃蟠番俱承務郎以其年臘月二十九日英公於城東秀野之原公掩貫經

史博記多能孫吳中韓岐扁嚴李之學靡不研究為文初不抒思俄傾成章皆麗審峻潔無一字陳腐五七言精深四六高簡散語尤古雅善行草急就章有晉宋間人風韵寸紙隻字得者寶玩歲晚掃空言語文字專治關洛諸老之書語其子曰吾於兵間無恃謀無左畫皆得於四書其臨敵常裹藥備不測曰萬一嗟跌當以死報君父手握重兵然未嘗妄擗一人雖大敵在前戈甲耀日矢石如雨公意氣愈閑暇無窮遼容武侯麾軍謝傳鎮物無以加也其論和戰屢與權要矛盾嵩之排根挫抑於上言者撼搖毀訾於

下撫上照知孤忠保全勞臣故公得以功名終始初公與余同幕金陵後余為樞機數言公於鄭裔兩丞相公遂起廢其立功於二城也余已斥居田里公歲中必一再遣帳騎至山中候余安否余問騎曰杜公何為曰與諸將樂飲議防狄爾余曰視前後三數公孰優曰寇至公與將帥分畫既定常先登陴諸將繼之既上則不復下寢食矢石之傍猶燕居也寇去乘陴者皆下公乃下以小人觀之杜公猶優余仲弟守樵亦言安豐迓兵至樵公厚犒而客禮之雖小校卒卒亦拊以恩肩輿止用村夫曰彼皆戰士不可私役

史傳記多能孫吳申韓岐扁嚴李之學靡不研究為文初不抒思俄傾成章皆麗密峻潔無一字陳腐五七言精深四六高簡散語尤古雅善行草急就章有晉宋間人風韵寸紙隻字得者寶玩歲晚掃空言語文字專治闕洛諸老之書語其子曰吾於兵間無恃謀無左畫皆得於四書其臨敵常裹藥備不測曰萬一嗟跌當以死報君父手握重兵然未嘗妄傷一人雖大敵在前戈甲耀日矢石如雨公意氣愈閑眼無窘遽容武侯麾軍謝傅鎮物無以加也其論和戰屢與權要矛盾嵩之排根挫抑於上言者撼搖毀訾於

下賴上照知孤忠保全勞臣故公得以功名終始初公與余同幕金陵後余為樞密數言公於鄭裔兩丞相公遂起廢其立功於二城也余已斥居田里公歲中必一再遣帳騎至山中候余安否余問騎曰杜公何為曰與諸將樂飲議防狄爾余曰視前後三數公孰優曰寇至公與將帥分畫既定常先登陴諸將繼之既上則不復下寢食矢石之傍稍燕居也寇去乘陴者皆下公乃下以小人觀之杜公猶優余仲弟守樵亦言安豐迓兵至樵公厚犒而客禮之雖小校卒卒亦拊以恩肩輿止用村夫曰彼皆戰士不可私役

也烏虧公所以能得人之死力能為國家建功立事  
有以也夫余觀他人寸長微勞必自夸詛公昔與余  
書叙城守事但言暴客相訪久而不去頗費應酬而  
已余問守備答曰向以城守誠今以人守城君無憂  
其言雍容整暇如此非僥倖成事者既莫二子致公  
遺命屬銘於余且以閩帥趙公希靜所作行述來趙  
公與公皆臨重圍同死生患難者所載詳實抑余於  
公之薨有感慨焉營平破羌已七十餘衛公渡遼踰  
八十矣古人事業多在晚歲公雖得謝老謀宿望使  
之臥護猶羆當道虎在山也今其已矣誰為陛下寬

北顧者悲夫公唐相宣獻公黃裳之後世系詳見於  
公顯考之碑不復出也銘曰韁行中原磨牙存食戰  
無勍敵攻無堅壁不論書生雖有韓白猝然遇之敗  
撓奔北近而光涂遠則荆益朝猶金湯暮已瓦礫開  
闢以來未覩斯賊譬之猰㺄莫與甬力願允杜公耿  
然逢掖其守二城危在旦夕鐵騎數重攢砲千百公  
甚整暇登陴指畫某桿樓櫓某刦寨柵椎牛釀酒輦  
金輿帛以戒忠赤當彼矢石公猶暴露孰敢顧惜虜  
氣哀力竭公乘其隙忽雷萬鼓四面出擊名王橫屍  
權帝敗績所獲馳馬器甲山積露布至京朝野動色

然後華人知韃可敵然後異類知憚中國然後邊臣  
固守疆場公身遠外公性孤直大使督相乃詆重劾  
淳祐聖人卓然不惑金墨昭回曰卿忠實衆方信咷  
上獨仰翼晚思識公召以常伯公來何遲公去何函  
手開綠野清談永日自方喬松人比召畢妖星忽墮  
壯士驚噴過江百年非無人物畏虜二字膏肓之疾  
昔在典午僅推琨逖爰及芝紹復有規澤皆以儒帥  
守固戰克繼者誰歟杜公其匹惜余老矣涸硯燥筆  
事偉詞卑不究勲德

後村先生大全集卷之一百四十一

後村先生大全集卷之一百四十二

神道碑

寶學趙尚書

淳祐壬子八月丁丑寶章閣直學士知建寧府趙公  
卒於府治訃聞朝野嗟惜詔進真學士贈四官為正  
議大夫喪歸寶祐改元五月庚寅葬於某縣某里杜  
埋金峰寺之原公諱性夫字仁老魏王八世孫於訓  
武郎焯之為曾祖承信郎公建為祖贈朝議大夫彥  
晦為父少擢嘉泰壬戌第歷南海尉樂昌令高州判  
官封州推官知龍巖縣通判汀州知新州提舉廣東

東常平茶鹽兩易江西陞提點刑獄刑部右曹郎官直祕閣提點浙東刑獄攝帥直華文閣因任直徽猷閣浙東安撫大理少卿直寶文閣任知紹興府宗正少卿權刑部侍郎為真薰修玉牒中書門下省檢正諸房公事權工部尚書權吏部尚書除職出牧公初筮獲盜應格歎曰以人命易京秩半棄不就嘗闕陞亦不自列繫修職郎垂三十年樂昌荒遠公進其士而教之秋賦策名者五人嘗攝邑筦上邊市馬杞姦刻獎費省馬良龍巖爪熟盜起寧化旁邑令當上者皆憚往公奔問官守據險築柵寇大至公令考切登

柵自率丁壯拒戰隅官黃才富與賦通公巢才富等四人於陣賊敗去招捕使陳公韓上其功建卒戌汀久桀傲憚公攝郡不敢反側廣益號脂膏地公迺清不以低估市倉銀浙左水旱蠲賦勸分汲々鮮歡始末四載兵厨無廼璽書獎諭者三為從橐所進故事切中時病嘗舉召公敬德之言發祈天永命之旨曰狃於苟且汨於嗜慾銳始而怠終矜持於外而縱弛於內皆非所以敬德也諫土木疏云仁宗營寶相殿韓琦以為無名之役不急之務乞行停寢况今國弊民敝乎又言穿山掘地害及昆蟲運木輦石嗟形道

路斬伐不遺於邱塚蹠蹠及於田禾昔魏起太華  
殿唐作洛陽宮納高允張元素之諫而止陛下有帝  
王之資顧出二君下乎又言代宗為太后立章敬寺  
布衣高郢上書箴切為太后祈福布衣且諫臣若籍  
結寧不愧郢上為感動詔兼給事中是日公有密奏  
論事疏入命復兩御史以論時宰去公乞留之因  
辭檢正不允其去國而牧建也僕遊雅不欲往聞建  
罹水禍由雪峰道疾馳至則城夷為沼公握空拳拊  
遺恭掩漂骼掀泥淖縛井竈日不暇給已病猶自力  
屬纘條郡政累二千言戒子孫清白神識不亂年

七十七娶劉氏先卒贈碩人二子時儻廸功郎上杭  
尉時僑監閩安鎮二女王角孫承奉郎主管福建安  
撫司機宜文字許俊其婿也二孫女尚幼公友愛俸  
入與弟妹共之嫁碩人弟鎮孤女居烏石山下號烏  
石翁雖責身後宅一區田百畝而已公據科第妙詞  
翰而踐履平實無表襯之累官二品年八喪而接扶  
晚後無貴倨之氣造膝甚忠而未嘗漏言於外律身  
極嚴而不暇求備於人惟天子知其為清白吏為常  
人吉士自方伯擢法從蓋出聖意都曹摹畫數與相  
忤而不知者乃疑由相而進予惟前輩風流篤厚橫

渠聞二程談易撤去臯比坡公見淳夫奏疏曰軾文字失之過當服善也徂徠為明復執杖屢文富板溫公入杜公年六十四以晚進辭後長也道卿沒二十年諫書始出惡其傳也李竹溪送胡邦衡南遷曰名節之士未知道勉其進也了翁則沈後尊堯之作責已也程子曰故人情厚不敢疑庶人也其後俗薄有欲以薰詞惡札蓋他人之長涼德雅齒加父兄之上矣疏未至道卿謬竊直聲禍未如邦衡自矜名節矣不修身不齊家而欲禁切人主不及已不進德而妄裁量人物矣然則公不求世之知世亦知公不盡無

惑也夫事出於譖者可偽惟發於真者不容掩瑞閨有封駁權識者居之以無大論孰為恥或姑以報小恩怨為快公寧失夕拜而不苟合孰譎而孰真乎某監司希時好發某事欲擣其人於相怒既闡之後公請留其人於相怒方炎之初孰譎而孰真乎予嘗患士大夫口銜清議者多足蹈實地者寡嘉熙使粵辱公授印退閱故牘見公之來也不妄費一錢其去也返例卷若干條因等而上之迺知數十年間廉使者惟公與丘卿廸嘉爾二公皆予故人歲晚銘丘之墨未乾而又銘公可悲也夫銘日先賢蓄德深厚莫窺

善則稱君清畏人知懷謾盜名乃德之衰公早留落老始論思後留易冠前失瑣靡又諫營繕歲砭迷施人而告猷出也詭辭人露布者公匱藏之及擁節麾玉雪自持究公首末無一可疵視夸毗子外飾螭袍彼有漏露公無損虧以死勤官以清遺兇耆舊往矣孰知我悲

煥學尚書黃公

豫章之黃皆出金華隱君子諱遇和者居豐城縣之沈江始為儒家馬公存誌其墓是生表之生得禮擢元祐第終柳州推官贈朝議大夫生彥輔擢政和第

萬了翁所敬終吉水令婦翁李公朴誌其墓是生去華贈太中大夫配淑人周氏生公諱疇若字伯庸甫晦而孤外祖母杜夫人奇之曰兒必貴誨以學擢淳熙戊戌第歷祁陽主簿柳州教授靈川令知廬陵縣堂審監進奏院太府寺簿將作丞兼皇弟吳興郡王府教授太府丞祕書丞兼禮部郎官兼資善堂說書著作郎監察御史嘉定初元擢殿中侍御史兼侍講權戶部侍郎華文閣待制知成都府成都路安撫使以父諱辭改寶謨閣三年至蜀進龍圖閣待制華文閣直學士再任復以諱辭改寶謨閣七年召對延和

殿權兵部尚書太子右庶子兼同修閣史落權陞左  
庶子太子詹事十年春知貢舉試禮部尚書請外以  
煥章閣學士知福州錄提舉南京鴻慶宮臺疏落職  
罷祠俄提舉鳳翔府上清宮足疾告老復職致仕十  
五年正月癸亥薨于寢年六十九階通議大夫爵豫  
章郡侯食邑一千五百戶遺表聞贈宣奉大夫淑人  
范氏處士子明之女子男五人長策故某官次簡某  
官次籍某官次節朝奉大夫新知賀州次某官女  
五人某官楊必復歐陽棠某官劉成李馮禧某官相  
嗟其婿也孫男若干人曾孫男若干人女若干人薨

之明年腊月壬申葬於故里之桐谷既葬三十年節  
奉公奏議遺文及李侍郎劉所述行狀請於前史官  
劉某曰先公遠矣節諸昆長以毀卒仲以病廢叔遠  
宦宰上之木已拱道旁之碣未立節為此懼其詞甚  
哀予先君子與公同以江右邑最登朝於公言論風  
旨耳目睹記雖老猶歷々未忘初京丞相當軸尤後  
鄉曲公寧仕嶺海不一僚修門祁陽與馬提刑大同  
爭疑獄馬公為詘守六月督崎零欠公以縣用錢  
三千縉代輸禁吏預借飾學增奮日召諸生講論衆  
建生祠公止之去日送者傾郡其在王姪資善也据

經析理築範凝重吳興景獻見必加敬茂陵由此眷公將擢臺察倅胄詞知因會館閣廣坐語公某不知公乃山谷後以所藏宜州家乘真蹟為遺公既居言責首乞天子擇宰相宰相擇監司母今天下以賄議朝廷再疏言善為相者必日以危亡災異奏于上又謂龍食牛角々盡而牛不知口甘故也韓陳始怒奏格不行俄而二姦敗黨人皆去上批公奏朕知卿忠更化之初正資讜論於是鄧友龍陳景俊除名遠徙內侍李益不許入國門丘公密起為江淮制置大使行公疏也虜請和欲函致侂胄首公以副端預集議

謂函首先失國體退率同列乞令虜先歸闕陸我後與歲幣卒如公言又言增獎約和國胡以支欲專叛一局共議撙節以待國遂置安邊所命公同戶部侍郎沈說條具合節省拘催者公奏內諸司宜委一大當外延委公府掾六曹委長貳各限半日條奏又乞椿官房廊激賞庫侂胄萬畝庄歲入進講面奏乞力行此事勿為近習所搖既而它議多格獨得諸權姦簿錄貲及白地錢等五項為繪九百一十三萬又沒官產歲可得七十一萬五千公曰是亦可為矣其後所積益多迄今賴之都城責糴淮浙流民紛集詔發粟

十萬石糶濟京尹籍流移僅五千口期三月麥熟後  
止公奏此實驅之去爾乞令願歸者勿問其未能歸  
者展期詔至六月結局旱蝗星變公言天子視朝而  
宰相不奏事國忌行香而宰執無一人則其贊理萬  
幾者可知已風燄前湖門暗門公言楚為禍首楚門  
壞吳將乏食魚門傾二門乃車駕行幸之路宜戒佚  
游在版曹言嚴矜提而楮愈輕宜寬新書行之以漸  
蜀自制閫移治興元事權偏重茂陵輟公以往入辭  
王音云兵革後當一意拊摩又有旨凡四蜀軍民利  
病吏治減否並許諮訪密奏兩宮錫賚甚厚至則首

蠲諸邑積欠九萬餘緡罷遣非敕命而辟攝者舊俗  
頤崇侈飾游公革以儉先是天聖間就卽蜀彭漢永  
康成都六郡產布處每下戶俵儀三百輸布一疋熙  
寧敷及上五等建炎軍興始取布估疋二貫五百有  
奇關外諸軍耀本仰焉公奏往趙汝愚念民力困減  
為一貫五百歲減五萬六百緡本府代輸五年今蜀  
民重困臣泣鎮歲餘庫錢比舊稍增遂於汝愚已減  
外疋再減二百止理一貫三百已橋錢二十五萬三  
千緡代輸亦五年止併寬他賦尤重者諭降沈黎蠻  
擊走董蠻制帛兩司謀大舉蕩蠻公不答大使師出

東路臬亦調兵而路震動公移書兩軍還師守險詔  
公兼制叙州兵甲蠻降公進一秩以成都城久圯儲  
錢四十萬緡備版築出蜀送車駕路人以方范西湖  
入對言謀蜀帥當擇有文武威風和大體者薦蜀士  
范子長許流魏了翁元城興元成都歲旱求直言公  
乞還坐虧楮價者沒入之貲年甫六十三援范公景  
仁故事乞歸得請朝士祖帳都門外皆榮其行治第  
豫章城中自號竹坡公文律高亟相周公稱其正大  
恢闊詳雅溫醇誠齋楊公見公詩以為得山谷罩傳  
然公貫穿百家融液衆體不但以元和脚江西派為

重考宏詞得真箇二公有竹坡集四十卷奏議三十  
卷講學十卷進故事十二卷公承當家文献故風韻  
勝接諸老諸論故心事平隆乾以來衆芳翕集臺閣  
多賢至慶元銅黨攻偽邪說橫流言事者非博暨餘  
干相君所厚則矜憐攷亭先生門人公密扶善類素  
尊理學奏篇無一語差卒已而後四朝生聚東南極  
盛至開禧挑虜首禍形始露用事者方且厚歛民足  
用多造褚紓急公一則曰蠲弛二則曰節縮向使以  
諸道仁言儒效豈淺鮮哉余讀公書有云以無德之

人而運才智之鋒幾何而不斲天下之朴又云言利之臣必不得其死好利之君必不得其用為之掩卷而作曰此有德者之言反本之論也公入蜀僅帥成都一路兵事皆屬大閫其後關外軍潰言者論公遠蜀患於是公出蜀八年矣亦怡然不辭始公欲以奏稿屬真公為序不果予受學真公者追誌公墓系以銘曰遠矣黃氏望于豫章至太史公誇瓊軼香雙井一支分秀沈江是為竹坡雄翰墨場鼓朱絃瑟織雲錦裳曳履禁中執簡帝傍廩公弗留引身高翔出投齋錢井絡之方流涕洟天蜀民殘創一時權宜百年

弔張臣請亟之以帑金償視兩忠定先後相望永不識公獲交諸郎早誦奏篇晚窺家藏幽宿意新鮮婉味長公不可作騎驛羈皇廬陵二老過江歐陽手持衡尺親加裁量延之宗派列之循良一語品題千載耿光謂余不信實之周楊

虛齋資政趙公

自官制行資政亞觀文一等非嘗歷二府不輕授上臨御父尤遴其選惟以寵李翰林韶至是虛齋趙公諗疾告老上嗟惜自正奉進光祿大夫自端明進資政殿學士致仕異恩也遺表聞贈開府儀同三司公

諱以夫字用父魏王之後王四傳至建國公叔成建  
公生武經郎雋之武經生朝請郎公填山東亂離由  
鄆負其母金夫人避地長樂朝請生少保公彥括乾  
道進士望臨一時而年不及中壽官至尚書郎五子  
公於次第四母福國徐夫人少保將終顧公曰吾雖  
貧有善和書遺汝公方九歲泣誦遺言勵志苦學門  
蔭調諸暨慰內艱改瑞金尉未上改象州戶錄楊守  
炎正疑公年少每具獄上引囚參問始大歎伏方漕  
信孺羅致之幕鑠廳魁廣西漕薦中嘉定丁丑第歷  
江陵府監利縣令邑通淮廣姦民多盜敗龜馬以資

敵公設方略掩禽群盜獲馬百疋俘獻于府制檄調  
夫封劍督趣民聽驚惑及見公翠馬急裝先發皆踊  
躍以從前帥趙公方後帥陳公暎皆器重用薦者改  
秩知南豐縣增永惠倉粟千斛廣學田三百畝始至  
養士纔二十員比去至八十員里中譁而善訟悍而  
梗化者皆知姓名他日聽訟摘語之曰此非某人之  
筆乎皆頓首願改過兩造無翻憇者代歸求主管西  
外睦宗院盜起汀郡帥王公居安檄兼參議會詔起  
抑齋陳公韓守兩創為福建招捕使陳公請于朝以  
公通判州事兼主管招捕司機宜文字陳公提師臨

賊巢穴公主留務內撫循外供億人以為難賊平凱  
旋創人祠陳公而公脩之時淮西兵駐邵武下瞿諸  
峒陸梁建泰飢人相食陳公請以公攝郡事乞鹽招  
糴以活餓孚生獲楊李二酉餘賊殲盡俄為真郡焚  
燬無寸椽隻瓦僅存夫子廟殿公剪荆棘重鞭郡治  
規模鉅麗繕泮官建北搞踰年而官舍民廬皆復舊  
前守創添忠武軍七百人多游手無賴禁卒亦乘時  
桀驁公厚撫而峻繩之以焯止再乞祠主管武夷山  
冲佑觀明年冬史丞相彌遠薨起知漳州陳三槍餘  
黨猶出沒郡境公主生擒張魔王者盜平奏罷計口

敕蓋以廢利歲入代民輸丁錢歲萬七十緡立石通  
衢記焉除提舉江南西路平茶鹽公事楮法初變廷  
議民間市賈楮輸納為虧官令別納補虧錢公抗疏  
四昔輸一千今增五百是令不信也輸於民者有補  
納出於官者無貼支是名不正也上悟從中可其奏  
由是知公又着原弊核弊二論其後出十八界收十  
六界卒如公策除大理丞未至除左曹郎官兼權樞  
密院檢詳諸房文字入對條備邊十策次論故相除  
吏怙權廢法大綱已紊小節目猶能持守今悉蕩  
然乞清中書還銓法除直寶謨閣兩浙轉運判官

上既用公言罷復敵平江守臣於下令後猶倅至三十萬公劾去之除右曹郎官兼左司繼兼檢正遂為左司郎中兼提領安邊所京城火求直言公極論致火之由乞改葬故王以弭天謹安邊所殘燬一新之論對乞合江淮出內帑俄以太府少卿兼左司遷直喚章閣樞密副都承旨直前言光州危急宜合淮東京湖二閫兵力極援之衆未以為然果失守兼右司國史院編修官寶錄院檢討官除宗正少卿兼副承旨提領安邊所如故諭軍賞冒濫始行制司背批之令鄭卒失伍擢右文殿修撰樞密副承旨知慶元府

沿海制置陞辭力攻和議又言先帝創安邊所以佐邊費今取其錢粟供賜費營餉非先帝本志某英殿修撰以行儀陞副使前制臣陳暖已去窩公趙善湘攝閫散席庾以市恩卒愈驕謀拒命公革車用近卒尊從入城衆投戈迎拜善湘遁入山公具交承禮招之郡既赤立乃糴白米支軍糧而自食倉粟之殘腐者趙監軍瀋夫挾善湘勢擅禁卒激使為變公素得諸校心以其謀告公械其人付鄭卒趙時詰訊之盡得姓名眾約三鼓舉事公使緩漏等與客對奕示間暇而密召水軍入城掩捕皆獲某首三十餘級

外寨者百餘它貸勿問遲明城中始知將召歸郡人乞留詔因任以太常少卿召改樞密都承旨楮法又變以一易五令下公未去鄭疏五不可乞寢新令又言必欲行法乞坐臣沮格之罪於追寵上更置重典右揆怒議謫責左揆李文清公止之公徑歸久之仍舊職知建寧府辭改泉州辭復改建寧府亦辭以葉賁疏提舉江州太平興國營公自四明歸益專精講學率對卷至夜分諸經箋注始有端緒右揆去公與王伯大徐庶卿同名而公除權刑部侍郎俄落權自初登朝每對必言國本內引所言尤力且錄嘉祐紹

興建儲始末及諸臣諫疏舉行次第以進上曰宮中已有人荐趙汝騰劉克莊湯中黃自然鄭逢辰楊棟宋慈包恢許致祥姚希得又荐林公遇乞賜逸民處士之號上嘉納除寶章閣待制沿江制置使兼知建康府行宮留守江東安撫使兼和州無為軍安慶府屯田使陞辭援張浚岳飛事乞早定儲江表苦旱公至金山默禱而雨以御賜金帛盼將士補足籍增寨屋造多槳船繕器甲虜入巢知公先調馬汝海鄒進等入巢賊至城內兵出敗之和州圍迫公檄三城兵叶力劫寨虜敗去又料虜必報忿豫增無為戍伏楊

林舟師築土堡虜衆至諸將夾攻走之遣偏師援儀  
真躬督舟師巡江至采石入和州視城壁至裕溪乃  
歸賜御札陞華文閣待制韁將禁罕以著來獻盜刦  
毗陵蔡少卿家不獲俄為金陵緝捕所得誅之由是  
沿江無盜除寶章閣直學士知平江府免瀆未下改  
權刑部尚書引對緝熙殿上拊之曰卿二年宣勞公  
奏皆陛下威德臣無毫髮之功論祖變定儲甚切時  
大旱江湖俱涸公言湯以大事自責陛下自省於此  
六事有耶無耶名曰去姦而通審奏進奇玩名曰崇  
儉而建龍翔祠感生苞苴宮室自若也忠直次第引

去嬖倖出入簇笄讒夫女謁如故也上悚然因及所  
進易通翌日御筆令投進俄兼侍讀兼修玉牒有旨  
呂易通間備進讀一日經筵問月呂蔑思所議何如  
公言難不通華言使至但謂來投拜非謂來議和也  
主此議者幾何不賣國與人臣嘗問月呂蔑思來意  
其人致首語極不遜臣實痛憤奈何復遣之去上嘉  
納賜公用易堂虛齋東平藝文世家十一大字兼權  
吏部尚書兼檢正除刑部尚書手抄無逸立政講義  
以規切任事者兼權給事中屢辭不允會拜某公右  
揆史宅之僉樞公因諭二除日非是改禮部尚書仍

兼玉牒公謂不得其言當去盡遣家人自留待罪月餘上命徐清吏陸德輿宣諭令供職除吏部尚書侍講兼玉牒史職御筆令任責史事詳定殿試獎直柳侯文魁得方逢辰武魁得陳億子時讀易通終篇再進義例卦論圖說凡三十冊降詔褒美賜御製詩所進本晉內閣上常覽閱後降出丁未本冊末皆有小璽進光寧二朝寶訓上曰此書皆卿力公既受上殊知論建寢廣嘗進家人卦疏義指宮姪官人鄭丞相初善公冀其助已公方昌言建督括田之非又進離節二卦疏義攻聚斂之臣又歷言政宣間弊事由大

臣有奉承無正據所致又奏留潘凱吳燧董槐鄭公積不樂憇於上日侍從之臣以臣方京黼賴上照知除端明殿學士提舉佑神觀兼侍讀史館初上趣史事擢公史館修撰余同修撰而余先逐公專史筆及陳公薨以公提舉祕書省公方與尤精及新史官高斯得年子材李獻可分任撰述瑣闈因論史屬詆公以醜語名曰借黃又言公改國史以激上怒丐去以本職知隆興府公嘗乞校定國史誤字亟取校本繳進上悟出御筆罷史館而程督史官然公不可留矣舜郡知西外宗正事凡三年朔旦必升講席發明經

肯復學職生員額同姓益勸於學寶祐乙卯秋召俄除禮部尚書兼侍讀上必欲致公下州郡津遣辭至四五詔與郡尋依舊職因任西歸而公疾已篤丙辰二月甲申薨于里第年六十八前淑人劉氏後淑人韓氏南澗尚書之孫皆前卒子時奚宣教郎力學工詞翰由藉由令乞祠歸養孫若眉承務郎亦孝謹善繼以其年六月庚申葬于長樂縣善政鄉溪上山之原豫為棺槨規宅兆不以累子孫公氣稟寶存養深前知數終屏去鑒樂訓時奚處已待人以厚又語若眉等家事稟聽於叔悉召親故訣別夷然而逝 友

愛事兄如父拊兄子女如己出承務郎玉山亟時淬仲兄子也將仕郎若穎伯兄孫也皆命以官貧者為市田宅未嫁者與貲公立身有本末上為君父倚信下為士大夫親附惟瑣闈始相與號莫逆交晚為仇敵則有不可解者或言吻士間之或言當軸之意初陳垓以攻善類為已任世所唾罵瑣闈因謂公黨垓然垓嘗論某朝士易學肆臆說而背師旨又論陳珦冒奏補語侵吏部皆以撼公公前丐去後待罪以避之垓彈文已具天語宣諭乃止後除修撰也余力猝公亦獨銜乞改屬尤婿希至汝騰若此之類皆有證

驗可詳考也若謂聞云云別無按語馬可厚誣也烏  
庫公實忤鄭丞相而有善鄭之疑實為核排根而蒙  
助桀之謗實拳卷吾黨而獲射羿之報悲夫公溫良  
有好賢之名謙儕無取暴之道其所以致謗有二主  
眷也經學也公雖去上思之謂輔臣曰以夫久在經  
筵有所咨必援古証今為答宗姓中不易得又曰以  
夫曾說清之與憲謂之黨人可乎公為他人言易通  
輒不省惟上重其書余每見縉紳竊議之者必謹對  
曰君能別為一書以培擊之理到之言虛齋必服然  
竟未有作書者夫未嘗用功於易而公風非望之書

過矣公位偏而有主眷才高而有經學意者謗暴之  
所由生歟曩余與公同奉詔纂史貴人或語余曰後  
村乃助人作史耶余遜謝日上使克莊副趙公為  
人之佐而短其長人將不食吾餘矣未幾俱去暴者  
猶以誠公為未快併誠公所厚者韋聯及於余馬公  
有易通詩書傳莊子解奏議進故事易疏義雜著各  
若干卷晚於詩學尤深惟國風自衛以後未斷手以  
遺稿付若稔俾緒成之湯祕書漢見公莊子解太息  
謂余某與公皆不能及其為世所重如此公好士士  
常滿門晚稍引去惟同郡曾震愛死生患難之托記

公言行識悉不遺蒲人鄭與言受公易學得其要旨為公服總誅之甚哀策名南歸迺道重趼吊廬哭墓談者以曾比任安鄭方候芭云公徧厯公府掾六曹長貳外更數郡三節二閩其持論欲尊主庇民損上益下不喜尖新鋟薄之說為政務愛人利物奉法循理不求擊斷操切之名綜理微密計慮精審人方躁擾公愈靜定量敵籌事瞭若蓍蔡數履危難卒成勳業所至威愛相濟軍民懷之經學外于天文地理歷書丹經皆研究雖小藝鄙事亦精絕度曲要眇奕高無對精法逼黃庭經樂毅論嘗自札奏狀上命謄本

付外而真蹟罷禁中與人尺牘皆可寶玩屬纊前三日留書與抑齋陳公及余訣且以宰上之題為託將莫時奚奉家傳年譜來請銘嗚呼年輩前於余者往往銘之矣小余二歲奈何又銘公耶若余者公真蒙叟所謂不祥人耶銘曰古之重任必屬儒者以學淺深為材高下在周分陝旦奭之倫爰及晉漢曰穀與遵虛齋恂恂退然逢掖可以卿士亦可以牧伯出建旗鼓宣國之威入侍旃廈格君之非他人以材虛齋以學群迷相承獨智先覺見諸事業特公之粗以其精者著之為書士有一焉足以駁世公乃兼之寧

不見其上於群臣灼知僂賢人或誣公上曰不然勢  
炎力鉅人者暫勝事久論公天者常定公書固存公  
未嘗亡持此較彼孰為短長遺音琅琅託我以死乃  
誤次之以告太史

後村先生大全集卷之一百四十二

後村先生大全集卷之一百四十三

神道碑

孟少保 奉勅撰

孟氏之先自絳徙唐後徙隨之華陽公諱珙字璞玉  
高大父安嘗從岳王飛軍曾大父立累贈太子太保  
妣胡氏絳郡夫人大父林贈太子太傅妣白氏太寧  
郡夫人父宗政右武大夫郢州江陵府都統制兼知  
棗陽軍累贈太師永國公謚忠毅廟社烈妣馬氏冀  
國夫人郭氏唐國夫人公冀國所出忠毅第四子也  
國家自辛巳後東南久安開禧初邊事始動然將材

亦出二十年間出奇貢勇守固戰克敵遼國之西門  
繫忠毅之功公幼從父兵間出入必俱 嘉定戊寅  
虜寇襄陽帥檄忠毅禦之公料虜必窺樊城請布陣  
羅家渡以待虜至伏發死者大半帥又檄援棗陽  
嘗父子相失公望胡騎中有素袍白馬者識其為忠  
毅也急麾騎軍哭陣陣聞而忠毅晚以功補授初品  
己卯虜聚糧械於湖陽忠毅命公攻拔之辛巳辟光  
化尉癸未忠毅公薨於棗陽今上寶慶乙酉差峽州  
兵馬監押丁亥辟京西第五副將權神勁軍統制權  
管忠順軍蓋忠毅所招唐鄧蔡三郡壯士二萬餘人

江海總之衆不妄制司以公伐海公分其軍為三衆  
乃帖然紹定戊子公曰制閩叛平虜堰于棗陽溉田  
十萬頃立十十庄三轄使軍民分屯是年收十萬石又  
命忠順軍家自蓄馬官給藁穀孳生不計馬益蕃息  
己丑陞京西第五正將棗陽軍駐劄總轄本軍屯駐  
忠順三軍庚寅差京西兵馬都監丁唐國憂明年起  
復京西兵馬鈐轄棗陽軍駐劄仍總制三軍壬辰以  
閩檄討武天錫平之癸巳韓將那樂僕蓋追元顏守  
緒逼蔡制閩慮其侵軼檄公戍鄧虜至敗之追至青  
塚呂堰又敗之以閩檄討武仙克之天錫者鄧人乘

虜亂聚衆二十萬為邊患公逼其壘一鼓拔之其麾下斬天錫首以獻仙真定人聚衆亦二十萬後受金虜招為唐鄧行省與天錫鄧守移刺袁相倚角為金盡力欲迎守緒入蜀犯光化鋒剽甚聞公進兵轉而西移刺爰以鄧州張林以申州降仙將楊聚劉儀降公以仙虛實問儀儀言大寨在石穴山以馬蹬沙窩岵山三寨為保障又言必先破禹金寨王子山寨則沙窩孤立矣公用其策盡破諸寨直擣石穴夷其衆仙遁去或言其能隱形二除鄂州江陵府副都統制賜金帶其冬以閻檄伐金初韓使王欽約共攻蔡且

求兵糧請師期或謂金垂亡宜執讐耻或言韓貪宜防後患議不央師以訪公公言倘國家事力有餘則兵糧可勿與其次當權以濟事不然金滅無厭將及我矣帥曰善吾計決矣用兵幾何公請二萬帥曰大將非公不可命公盡護諸將以米千石餉韓軍僕盞使人來迓公與射獵割鮮而飲遣先歸輕騎直造其帳僕盞喜取馬乳酌之且頻酌以飲公曰你殺得武仙賽因賽因者華言極好也得蔡降人言城中飢公曰虜已窘矣當盡地而守以防突圍我得東南韓得西北公語僕盞已戒南軍毋入北營汝亦當戒北軍

母入南寨僕蓋諾令其萬戶張采領八都魯五十人  
踰濠突城城中鈎二人以往柔亦星鈎公麾兵掠之  
池深飛劍斫鈎挾柔以出遂逼柴潭立柵衛城恃潭  
為固外即汝河潭高於河五六尺城上金字號樓伏  
巨弩相傳云岸下有伏龍人不敢近將士疑畏公召  
麾下飲再行曰柴潭非天造地設樓上伏弩能及遠  
而不可射近彼所恃此水決而注之涸可立待皆曰  
堤堅未易鑿公曰所謂堅者止築兩堤首耳鑿其兩  
翼可也潭果決實以薪葦過師端平甲午正月圍蔡  
踰兩月矣御札勉諭將士衆感激思奮公之先鋒向

南門至金字樓列雲梯令諸軍聞鼓則進馬義先登  
趙榮繼之公麾萬衆畢登殺偽元帥高家奴使人視  
西北則金韓尚相持於土門水上乃開西門下吊橋  
邀僕蓋入江海執偽參政張天綱以歸公問守緒所  
在天綱曰先覩西北城危即輿金壁置小竹屋環以  
薪草又往觀兵退而號泣自經曰死便火我連日兵  
交未克斂城破始火之時竹屋烟燄猶未絕公與僕  
蓋拾其骨中分之得偽武元皇帝謚寶一玉帶一金  
銀銅印金銀牌各有差全師而歸擢建康府副都統  
制俄授主管得侍衛馬軍行司馬事閫檄護太常寺

簿朱楊祖閣門看班祇候林拓朝入陵譏云虜中傳  
南朝來爭河南府哨馬已及孟津陝府潼關河南皆  
增屯設伏又聞淮閻刻日進師衆疑畏不前公曰淮  
東之師由淮泗沂汴非旬餘不達吾選騎疾馳不十  
日可竣事建師至東京吾已歸矣於是宵征至龍門  
齋宿至于奉先縣陵下與二使奉宣御表時久旱望  
陵上雲氣五色風雷大作一雨沛然數十里外元無  
雨也成禮而歸前既除馬帥而制闈奏留公襄陽兼  
鎮北軍都統制此軍乃公所招中原精銳百載之士  
公漢北樊城新野塘鄧間凡萬五千餘人俄令

赴樞密院稟議除帶御器械乙未兼主管侍衛馬軍  
行司公事時暫黃州駐劄朝辭上言卿名將之子破  
蔡滅金功績昭著公曰此宗社威靈陛下聖德三軍  
將士之勞臣何力之有上問恢復奏云願陛下寬民  
力蓄人材以俟機會其夏兼知光州冬兼知黃州丙  
申春韓寇黃西耳山下瞰城中公跨山為城綿亘西  
北以護大城慮軍民雜處因高阜為兩堡曰齊  
安曰鎮淮以居諸後屢攻皆敗之秋節制黃斷  
光信陽四郡軍馬冬進兵解蘄州圍韓寇荆時襄陽  
失守隨守張龜壽荆門守朱楊祖郢守喬士安皆委

郡去復守施子仁死江陵危急詔沿江淮西遣援皆謂無踰公者公至荆虜拔柵去分兩路一攻復州一散在枝江監利縣編筏窺江公遣外弟趙武等與虜戰躬往節度破砦二十四還被虜生口二萬虜增兵來又敗之以火箭焚虜二千艘虜不得逞而遁嘉熙丁酉封隨縣開國男擢高州刺史進忠州團練使兼知江陵府京西湖北安撫副使夏乞告改莫忠毅公於大治磁湖之間御札牌趣赴江陵仍令興國壽昌守臣津發秋除郢州諸軍都統制冬韁首咸沒鮮犯漢陽境徘徊陽臺間公至沌口命諸將奮擊虜出境

去韓 首曰溫不花入寇蘄守張可大舒守李士達各委郡光守董 臣以州降韓合三郡人馬糧械攻黃守玉鑑江帥萬文勝戰不利公入城軍民喜曰吾父來矣駐帳城樓指畫戰守虜刦民船千數謀渡江公命同昌葛懷以戰艦衝虜陣虜亂欲引船遁乘風揚帆薄北岸四面合擊獲舟二百艘虜奪我東堤公斬主將叱池深約移晷收復深選壯士築陣諸軍踵之遂復東堤虜添回河西兵公夜遣劉全等分七路刦砦虜驚擾自相攻擊虜晝夜穴城公於城內築月城又掘萬人坑廣八十餘丈虜焚圍樓城危甚

而士殊死戰上盼親札曰卿等分提虎旅共保齊安  
郤敵盡忠朕心嘉尚卿等宜一乃心力早築雋功賜  
卿等金椀各一戰守將士天寒不易今遣京會三十  
萬貫等第支犒公益以白金盼之歲暮韃軍聞死者  
凍死者遁歸者十七八戊戌春韃遣八都魯安城入  
悉墮坑中我軍自月城上砲檑俱下虜不能支解去  
除寧遠軍承宣使帶御器械鄂州江陵府諸軍都  
統制閻帥入奏公兼留司事依舊承宣使除樞密副  
都承旨京西湖北安撫制置副使兼知岳州兼督  
視留府事復郢州荆門軍已亥復信陽軍樊城襄陽

府依舊承宣使除樞密院都承旨兼知郢州復光化  
軍兼湖廣總領冬韃寇夔州公策虜必道施黔以達  
湘分兵屯歸峽施韃齒格海圍哨開達公塞徑路  
防灘淺虜潛師夜渡萬州湖灘公曰督府請自提兵  
西上虜追歸州大堙寨知我有備而還公駐兵岳陽  
條上流備禦宣為三層藩籬乞収制副司及移闕外  
都統一軍於夔任倍萬以下江面之責為第一層備  
鼎澧為第二層備辰沅靖郴桂為第三層請峽州松  
滋各屯萬人舟師隸焉汎州屯三千人鼎澧辰靖各  
屯五千人郴桂各屯千人如是則江面可保又言四

川帥臣賊未來則一意叢橐賊一至則四散奔避事  
甫定則連章請罪相載東下雖置之嶺海猶不失其  
為多貲安閑之客乞責敗事之人以功贖過其論戰  
守大計如此庚子進隨縣開國子制拜寧武軍節  
度使四川宣撫使兼知夔州兼節度歸峽州澧見戍  
軍馬進封漢東郡開國侯兼京湖安撫制置使公控  
辯者九韶不允者三賜御札者二略曰難冠坤維帥  
相矛盾不能都攘師無紀律反為潰亂虜得深入迫  
我上流欲得夷狄知姓名兵將服智略者往鎮壓之  
博采於衆毋以踰卿此豈尋常委寄之比又曰卿言

蜀事之難是固難矣不難無以見人傑卿宜勇於一  
行詐可猶豫未決三層之說是見規摹素定凡有邊  
機利害可奏來公不敢辭九月領宣撫使事妙簡吳  
蜀之彥參錯幕府時四川制置使棟隆之副使彭大  
雅不咸公責之曰國事如此勇於私聞獨不愧廉簡  
之風乎二閩大慙黎守闕師古申大理國請道黎雅  
入貢公報此玉斧所盡大理自通邕廣不宜取道州  
蜀邵之俄詔公留京湖渝制蜀事力辭辛丑春宣閫  
結局依舊寧武軍節度使京湖安撫制置大使兼夔  
路制置大使以夔路隸夔路制司利潼成都三路隸

四川制司公曰蜀事病於事權之分今罷副司權既  
歸一不當更分夔路兼本路屯田大使始至軍無宿  
儲公大興屯田調夫築堰募農給種如昔行之棗陽  
者糜穀四十六萬緡三萬四千石粟首祿歸尾漢口  
為屯二千為庄百七十為頃十萬起建閭迄壬寅計  
收九十三萬石有奇上屯田本末與所減券食之數  
降詔獎諭進師公安築沙市城江陵諸軍乞合祀趙  
公方及樊劉孟扈四都統孟即忠毅也公泣然從之  
作集忠廟壬寅建公安南陽二書院拜檢校少保依  
前寧武軍節度使京湖安撫制置大使夔路策應大

使進封漢東郡開國公癸卯春解夔路制置大使事  
余玠宣諭四川遇松滋公一見如舊玠欲荆閭通融  
事力公餉以屯田米十萬石春還岳陽秋進師江陵  
甲辰春兼知江陵府公謂僚佐此着非也彼若以兵  
綴我上下流急將若之何乙巳再乞祠不允既兼郡  
歎曰江陵所恃三海不知沮洳之地有變更為桑田  
者虜一鳴鞭即至城外蓋自城以東古嶺先鋒渡直  
至三汊畧無限隔遂選僚屬修內隘十有一別作十  
隘於外有距城數十里者沮漳之水舊自城西入江  
乃障而東之俾繞城北入於漢而三海遂通為一隨

其高下為樞蓄泄三百里間渺然巨浸土木之工百七十萬民不知役繪圖上之御札稱樊公以身鎮江陵兄環帥武昌故事無兄弟同處一路者乞歸田不允二書院成公奏襄蜀蕩析士無所歸蜀士聚於公安襄士聚於鄂渚臣即兩處各屋六十間以沒官田屋地隸焉公安田歲入二千石有奇山澤間架之利可二百萬歲養百二十員鄂渚田歲入六千石有奇山澤所入可四百萬歲養百四十員擇有學行者為山長貳以堂長季試而旬課之暇則習射中者有賞竊見江西宗濂精舍鷺洲書院皆蒙聖恩錫以宸

翰臣敢援近比以請上洒奎墨以賜丙午自春迄秋秋五乞祠不允初公始鎮北軍駐襄陽李虎王是之關軍亂鎮北亦潰縛每驅為前鋒公謂此輩去非其罪乃以帛書金幣招之降者不絕至是河南行省范用吉密通降欵以所受偽吉為質公白於朝廟論難之公歎曰三十年收拾中原人心今忘不克伸矣病遂革九月乞休致授檢校少師寧武軍節度使致仕漢東郡開國公以九月戊午終於江陵府治年五十二是月有大星墮於境內聲如雷薨之夕大風發屋折木遺表聞上震悼輟視朝一日賄銀絹一千疋兩

行朴先生集全集

賜研堂

加五百疋兩特贈少師丁未莫於壽昌軍武昌縣金  
紫山公官自一尉至三以爵自封男至郡公自三百  
戶至三千四百戶實封八百戶皆以戰功自致薨後  
三贈至太師封吉國公以子陞朝配定襄郡夫人彭  
氏二男之經左武大夫濠州團練使帶玉器械知辰  
州之縉紳童子科敕賜童子舉出身今以通直郎直  
秘閣新知寶慶府二女長適武功大夫左領軍衛將  
軍權發遣柳州王該次後公六年卒孫男七人淵澄  
溥浩沆潛一未名孫女二人曾孫男一人已酉荆襄  
流寓父老請建廟議謚立碑詔下其事太常定廟額

曰威愛博士翁甫考功郎官陳堅請謚曰忠襄惟宰  
上之碑學士院久未克為公二子請不已夫天子命  
詞臣克莊曰汝為之乃按公年譜參以耳目聞見著  
其大者於碑蓋嘗反復公平生而有感焉嗟夫元顏  
氏之襄久矣其失燕而徙汴也議者尚欲存之以捍  
韃及其盡失中原而柄於區區之藥也其勢與力不  
足以捍韃明矣而前諭猶未改至公始明其為國讐  
提偏師覆巢穴夷種類俘寶玉獻於廟社豈不足以  
雪粘幹亂華之恥慰祖宗在天之靈哉當元顏氏  
之存邊患未嘗一日寬謂韃始暴吾邊者非也蓋炎

紹名將張俊勤主之勞大矣晚有附和議之愧劉錡  
順昌之功高矣或有無英槩之評公破蔡守黃無  
晚張劉及上問和議則曰臣介胄之士只當言戰不  
當言和具英槩又如此自昔將師通患貪功也放  
利也忌能也慢士也公先入蔡開闢納韁北軍大掠  
我師秋毫無犯儻盡雖胡人然與公共事七十餘日  
獨知尊敬豈非其器識德度有以折伏之歟暮年援  
儒帥伐已闢精舍養士則近世一人而已公用兵先  
計後戰故能必勝乘碑見危致命故能堅守至於料  
敵慮患疎如蓍藥謂成都非制帥駐足之地宜徙重

慶謂虜必由間道涉湖南江西之境先事而言其後  
皆驗其鎮上游也公流風寒之處一一置屯終公之  
身邊人按堵去之十年後人始有吝費神戎者江防  
既撤虜遂偷渡荆楚之人至今思之公物不好弄壯  
忠憤激發晚澹泊灰槁視聲色貨利如嚼蠶所臨方  
面參佐部曲白事獻策言人人殊公徐以斥語折衷  
衆志皆懲謁士游容老校退卒壹以恩意附接名位  
雖重惟建鼓旗銜將吏生凜然反退掃一室則爐  
薰書卷急几危坐若蕭然事外者其學邃於易六十  
四卦各係四句名警心易贊向使公不為世務所泊

尋徵之功不減輔嗣矣亦喜禪學與名衲游自號無  
庵天子大書其扁克莊念端平初與公同朝及公以  
馬帥往戍淮右猶及祖錢歲晚奉詔秉筆表阡乃  
系以銘曰當禧嘉際力扞隨棗為國虎臣實公嚴  
考公髮未燥從翁兵間迄纘戎功繼登將壇有武有  
文且戰且守緒燔死不花潰走雪戴天耻全參卯  
城襄鄂底定建閫江陵分兵戍淮船粟餉蜀苟利社  
稷如衛頭目某地險隘某處磧灘布列砦艦蔽遮風  
寒踰八十年制不南吠酋長相戒曰彼有備古有上  
醫灼見病源其人往矣而方猶存三層之說究極標

本倘修其方亦今盧扁中甫之生惟歎降靈祖葛之  
死有星隕管曷不七十繪麟閣像曷不八十載鳴流  
上武昌之柳萬山之碑豈無他人二公之思公視二  
公其賢相類孰為此評荆楚之士公有美子各乘朱  
輪維忠維孝以燉後人

寶學顏尚書

端平甲午余始有列於朝與員崎顏公同升尋皆去  
國三十年間出處聚散不常然情好如一日公小余  
一歲先桂其冠余以此愧公獨往敬公高致意公輕  
趙孟之貴必享松喬之壽俄而仙去余告老得歸則

聞公將莫既發書吊之於是其孤興祖奉家傳來請  
銘公顏氏諱順仲字景正漳州龍溪人曾祖實贈正  
議大夫妣陳淑人祖師魯寶文閣學士通議大夫贈  
光祿大夫謚定肅妣永嘉郡薛夫人父徽奉議郎知  
永福縣贈少傅妣魏國鄭夫人乾淳間侍從極天下  
選定肅在其間尤號名臣公幼英晤定肅鍾愛以  
遺澤授通任郎歷寧化尉環邑皆溪峒公與閭總約  
不差孤卒下鄉非急遽不發文引衆感悅劇盜廖竊  
嘯公單馬迹捕隅總助之盡獲首從論賞班改承務  
郎再轉為西安丞民有爭水利死者凶身逸去蔓

延平人憲委公叢寶屏騎微服訪知其人捕論如法  
疑獄遂決某甲豪霸一方衆訟之公適攝縣以屬吏  
以暴疾死憲疑焉移江山主簿民遮道不散憲詰之  
皆曰權縣為我儂除害適為身累憲聞其語曰我為  
汝等留之民懼迎公歸除知西安縣創義役立規約  
至今行之後每經從父老必持酒食勞與隸丁魏國  
憂調衡山縣未上兩浙轉達司幹辦公事遷通判  
臨安府除將作監主簿知嚴州錢楮中半之全初行  
吏民震恐公力爭曰郡人納純用楮而責以見鋤是  
強其所無也又曰忤旨獲戾罪止一身便文自營害

延千里朝廷不能奪令用全楷解發明年乙未入為司農丞攝金部郎官除直秘閣兩浙轉運判官禁旅失伍都人不安公行諸營諭之日輦轂之下渠敢率爾毅諾言樞搘行揀汰之嚴廷紳靳御教之費衆遂洵公曰朝家當有處分姑靜以俟衆肅然無譁除戶部郎兼知臨安府浙西安撫卒猶諱語公曰昨者撫諭從權弭變爾今事定宜討有罪以尊國體密諭主帥物色鼓倡之尤者誅之詔書褒美略云爾將漕闢下聲采奮厲撫虎兕之出柙知牛羊之求牧兼組彈壓都人安之而國勢增昌呂之重左曹輸對言

通者火土交陵金月相守流星隕太白見訊諸占書其言可畏而君臣上下晏若平時願嚴恭寅威以弭變又言紀綱者國之命脈二十年來紀綱蕩然宜絕宮中辦降杜傍蹊私請以抑其獎進將作監仍兼府事輪對言今日兵騎楮賊良由寬而不嚴致玩之漸散而不歛積輕之源上曰軍民有爭當分曲直不可始息公奏敢不遵聖訓上又曰楮尚折閱公奏物少則貴多則賤近印造數多知散而不知歛臣謂約浮就實全在節用又言中外弊事甚悉每奏上輒稱善明年丙申進太府少卿京尹如故嘉熙改元以直

秘閣奉武夷祠除廣西轉運判官首奏乞罷海外四  
州熙豐鹽本錢云四州益賤如泥官不請於本司而  
有本錢之輸民不苦於淡食而有敷買之擾戶口耗  
盜賊繁職此之由百年弊法徒以錢係上供莫敢更  
變乞求住罷帥司願撙節為四州補解又乞罷二十  
五州身丁錢云丁錢始於伍季每丁十文既而加倍  
至十倍百倍米亦如之遠民以有身為患有子為累  
竄於蠻徭逸為盜賊實官吏驅之乞併蠲免二事皆  
報三年令赴行在奏事言今日旱被數路潮齧而促  
岸民死於虜死於盜死於飢而赤子不聊生今年閩

襄明年失蜀天明年破淮而長江為邊面國勢岌岌  
如此乞下哀痛之詔風厲有位革舊圖新以回天意  
除太府卿兼敕令所刪修官遷司農卿兼左司四年  
兼權戶部侍郎以直寶謨閣知寧國府其掠荒行  
楷寬征恤民一如嚴陵之政淳祐改元除浙東提刑  
尋以舊職奉崇禧祠公嘗援司馬公訓儉之語乞賜  
御書德美二字以名其堂至是震奮揮賜身雖退而  
上眷不忘如此二年起知泉州三年以秘閣修撰兼  
福建提刑泉州少人稠民賴廣米積濟客舟至則就  
糴倅主軍餉亦就糴焉姦駟射利盡攬客舟于家與

倅吏相表裏某舟合糴若干率虛申妄喝高下在口  
米價益穹客舟細民苦之又創上溪和糴之名且令  
諸利犯糴輸官產戶寺院亦苦之公素知其然革去  
舊弊歡聲雷動為浮屠事以報者數十人他如貸租  
稅平槩量禁和買養孤老掩骸骼視公先定肅王  
梅溪真西山遺愛有光焉去郡攀卧者塞途四年與  
祠起知溫州明年遷右文殿修撰知慶元府沿海制  
置副使海鄉細民資砂岸營口腹龍斷者以犯納微  
入噭官司而擅衆利公奏州郡豈較此數萬縉坐視  
海民困苦而不採悉行蠲弛桃花定海兩渡民旅樵

收必由之塗歲納官錢萬計監專篙梢誅求不興焉  
公奏罷官渡從民便錢隸它司者郡為代輸濟十  
里渠及慈溪定海港堰學宮書籍器服一新飾齊  
宮諸老祠行鄉飲禮六年詔公職事修舉陞集英殿  
修撰制置使七年除寶章閣待制因任歲旱遣百餘  
艘往廣浙收糴郡倉低價折納甲戶按籍勦分計境  
內曰十萬六千口排日賑糴以官倉及俸米倡不足  
以甲戶富商均認之數濟之又不足則以廣浙之米  
濟之猶不足奏乞常平二萬餘石半糴詔俞其  
請全活甚衆新進思堂御書具扁八年除兵部侍郎

以某職奉某祠十二年以刑部侍郎召內引奏事言  
臣歷閩浙被水之郡建為甚創次之衡嚴又次之願  
更加賑恤兼敕令所詳定官除權兵部尚書俄權刑  
書兼知臨安府被旨入對上曰卿再尹神臯施行有  
序朕甚嘉歎又曰近日破楮少否公奏檢點所賣酒  
以十分為率二分用破楮稅務亦行用因及大政上  
曰卿措置極是將退公言臣再尹天府年邁及衰時殊  
事異恐無以副陛下之任使上曰卿勉旃職守公之  
奏陛下主盟於上庶幾少臣展布於下上曰宣諭有  
不可行者回奏不妨都人素習公條教坐以無事明

年冬擢吏部尚書以寶華閣學士提舉玉隆萬壽宮  
漳前輩李全明享年六十四而謝事劉元城以比歐  
陽公永叔范公景仁公常慕其人自天官歸甫稀年  
即抗章請老與親朋杖履往還若未嘗責顧者名其  
圃曰畝示不忘憂愛之意雖已退休鬚髮雪如忠然  
童顏秀眉精采奕奕居里強於為善凶年施義將詔  
歲倡義試為桂莊以助計偕者里中地橋壞道皆募  
衆繕葺者儒勝士率子姪北面焉晨起讀書內典數  
卷以為常屬疾初無甚苦口授遺表時方晴霽雷起  
西北而公薨表聞贈四官依條與致仕遺表恩賄銀

絹如格公生於淳熙戊申歿於景定壬戌六月壬子  
淑人趙氏先十九年卒男一人興祖承事郎主管西  
外睦宗院孫一人一龍承務郎初公墓淑人於郡東  
鶴鳴之原至是興祖卜以其年十二月庚午奉公之  
柩合祔余觀近之達官貴人率自厚其身潤其屋而  
己公獨以尊祖合族為心弟圭仲廸功郎賀州戶曹榮祖  
輝祖承務郎監涵頭倉象祖廸功郎福州錄參皆公所  
承務郎廣州鹽倉姪孫泳廸功郎福州錄參皆公所  
任常情以為難者又觀進之材臣能吏不過為  
充府庫為國家興筦榷而已公獨以民為重嚴之解

金楮也瓊崖涪萬之蠲鹽本錢也二十五州之晚身  
丁也鄭之罷砂岸與二渡也將一方之痛有百年之  
思棄大夫之徒聞風可以愧矣自昔隨世就功名之  
士或希合時好而失節或酣豢榮祿而忘返公奏對  
每以內降橈外庭之權宣輸掣臺府之肘為諫方進  
為而遽退既遂不復進其見於言論風旨離合去就  
之際如此家法尤嚴以身帥先晚作訓子諭族二篇  
上引聖經賢傳次舉前言往行鑿乎桑麻穀粟今之  
言也公少與長公耆仲齊名長公踵世科仕至檢正  
列卿先平公嘗以聲律魁江東漕薦會擢京倅有職

于貢闈不得試其才學有未究盡者初定肅公終於  
吏書年七十五公爵與壽皆與之同時人榮之員嶠  
公自號云銘曰世儒泥古習見故常投之肯綮其刃  
缺芒世吏趁時自詭富強譬諸刈葵其根必傷偉哉  
顧公知柔知剛扣囊底智出肘後方入從出藩赫赫  
煌煌于睦于桂于鄞于杭賦中和政熙熙春陽弭  
呼吸變凜然風霜都人說尹至今不忘其在上前論  
事慨慷宜肅紀律宜存紀綱蠲弛之奏仁言琅琅與  
國基祚相為久長伯仲敬尊奴隸孔桑晚避冰山掩  
鼻塞裳徑袖手板還政事堂北陌東阡杖屨徜徉松

無曲枝菊有晚香教行於家德薰於鄉訓子諭族詞  
嚴意莊如萬石君子孫其昌惟公大節終始有光鶴  
鳴之阡冠劍所藏乃述斯銘揭於高岡安知異代無  
祭中郎吾言可徵公未嘗亡

後村先生大全集卷之一百四十四

神道碑

待制徐侍郎

豫章徐氏皆本漢高士至公五世祖簡始居豐城縣之歷山曾祖文貴居縣之後泉祖洪源考琮累贈朝散大夫妣王氏甘氏並贈令人公諱鹿卿宗德夫幼強記能賦長從鄉先生朱炳受業經子皆手妙口誦以己意折衷諸史及前人論著名以類纂輯廣陽揮翰如飛若不思索自然藻麗里中子弟皆師焉擢嘉定十六年進士廷對考中第二詳定官摘語忌欲抑

之初考官胡公夢昱爭之不得猶為弟十人教授南安軍公以是邦周程講學之地而無垢張公謫居最文乃論次其言行與廷對刻之學宮與諸生講肄時引其說學祖多在溪洞公拊恤佃人無逋租者後盜發城外屋皆燬惟學獨存曰是無撓我者紹定初盜起汀邵公為福建路安撫司幹辦公事幕畫動中機會州倉焚公曰米未必俱燼傍掃隙地令曰有能徙粟至此者擔予錢若干手批付帑吏取緝錢吏疑非呻命公曰即有罪吾自當錢至積米如山帥大喜既而曰露積柰何公請會軍糧各計月預借一日散盡

都城史公上封書言積陰之極為火竊意必有以陰召陰者勸上毋惑龍嬖溺燕私又言王陶以不抑常朝班攻宰相令養疴中書久不面君仇士良云人主不可使讀書今嬪御之進或謂大臣有力皆自古所無陛下宜進退大臣以禮察天下可以為相者相之大臣不以去就異其心察天下以為可相者舉之轉陰為陽之機也西山真公見之以書遺公曰謂火災起於陰盛惟執事一人論正氣平不至忿激又足見平日涵養之功六年改秩知南劍州尤溪縣真公守泉州以南安久不治乞公於朝改知南安縣端平初元

後村先生集卷一百四十四  
視事首明版籍草預借時真公已帥閩得公申述必  
以風厲屬縣期歲境內大治明年召赴都堂審察丁  
甘夫人憂三年詔起復赴樞密院稟議公乞終喪詔  
服闋稟議履畝令下公奏記廟堂諸弊之輕特國之  
一事天下之心乃國之根本救一弊而失天下之心  
孰為輕重除主管官告院嘉熙元年幹辦行在諸司  
審計司有自少司農除集撰佑神觀糧料院欲比附  
七寺少卿幫放米麥各六石公言豈可為一人變一  
法祐神相家子所少非米麥為少卿自有為殿撰奉  
祠自無識者是之遷國子監主簿面對言卒卯之火

由不能裁抑權臣丙申之雷雖能冊兑一相天怒未  
息又為丁酉之火民間遂有疑謗疑謂火始於廢宮  
遺址延及椒房節鉞之弟鉞兩河趙某戚畹之家謗  
謂封駁留中白簡節貼除目每出則曰某貴人所薦  
某近習所主又邊報方急而增置妃嬪未報排當因  
疑生謗因謗生怒惟陛下痛自刻厲而速改之除樞  
密院編修官暫兼右司臺臣論方大琮劉克莊王邁  
妄言倫紀公以詩贈行言者併劾公居下訛上主管  
雲臺觀二年除知建昌軍崇教龍會兩保興建黎原  
鐵城之民交關公至開示禍福皆帖伏創百丈嶺寨

城屬邑督府取本軍斛而米四千九百餘石以餉上流公愀然曰守可去此事决不可行力爭之郡民恐失賢守請別輸面斛一公嗟曰吾民知為太守計守獨不為民計乎反復申述又貽書文靖史公極論文靖為言於督筭諸郡往催然它郡多已輸惟盱得免漕司令郡用文思院鉄斛受輸倉吏曰權易鉄斛公曰易斛易爾顧鉄斛可支軍糧乎即言本軍實用木斛不敢欺誑漕不能奪盜發南豐上石者公討捕誅為首者二十人除度支郎官兼右司四年春改吏部兼敕令所刪修官兼左右司轉對言二相並命一

老提綱未免被罷此行彼用此舍在上者莫遣任患在下者莫知遣從宜勉之以三后協心之義除右司郎官兼玉牒所檢討官特相面譽公宜要官公嘆曰此所謂牢籠也某非謂宰相私人者以風聞罷主管雲臺觀除江東運判江鄉大飢金陵人相食晡後市無行人有吉凶徒伏清涼寺側者公僉掩捕逃數卒十數輩方膾人肝而食盡執而尸諸市由是制臣不樂出本司積米三千餘石下市直之半賑糴又出緡錢萬七千賑不能糴者合祠前使者忠宣范公文忠真公時調諸閩久擅監筭之利或諸於當塗置司制

置鹾茗朝廷擢議者版書領其事商旅不行止監失  
臨詔公檢覈盡得其實以聞天久不雨公決滯獄應  
其貲有一家八十四口收穡僅二千石拘籍之餘日食  
不給者公謂此與殺人而食者無異悉還所籍其創  
行權者酷尤為民患若公謂從橐出使雖非度官可  
問而守臣貪暴監司豈容已方疏其不法會守罷去  
淳祐元年詔以公兼知太平州暫領茶鹽司制職事  
宰相遺公書曰拘推檢覈洞見底蘊不勝欽嘆岳肅  
之始自詭後言皆不售徒壞三務場鈔法虧三監司

領額半年僅得三四百萬得羊失牛不

後村先生大全集

見石堂



悉以命汝公益憲慨言四十年間大火者三辛酉辛卯之火皆有兵禍今茲之火安知非兵釁所伏勸上諱皇嗣厚倫紀以弭變七月又言近內批數出外廷報奏寂然不報談者揣摩曰此由徑而得也召某執政留某侍從物語不愞妄男子上書補官莫知所言何事但見片紙從中而出彼因景監而求見者亦將包羞含愧而不皇安矣疏入除起居郎甫就職即引去除權禮部侍郎出關俟命七疏失去時經筵徵章上猶遣中使宣諭賜御書詩及鞍馬公拜賜進古詩六章以諷歸至括嶺賦詩有今朝嶺上衝風雪猶勝

藍闊度嶺人之句可謂婉而成章矣其冬以集英殿修撰知福州福建安撫使濱海漁業之民舊若奇征公悉蠲之据案決事審士細民人人得至前吐情實公徐開諭以理往往感吾失所爭而去書判會情切理父老至今傳誦貴寓如鄭陳兩元樞趙李二端明皆相與甚歡四年以禮部侍郎召有尼之者提舉玉隆萬壽宮五年以工部侍郎召尼者未已提舉太平興國宮公所居水深土厚族多名士客自遠來者皆勝友以碁酒賦詠為樂歲時入城士望而喜曰東刪公來矣人人如坐春風不如其年位之兩高也公素

清健因哭仲子始衰九年以疾告老詔進一官待制寶章閣病却藥曰生死僥也一日語家人曰余行矣遂卒臘月辛亥也年八十遺表聞特贈宣奉大夫太常考功定謚文恭累某官碩人沈氏先十年贈卒贈某夫人子男二人怡老朝請大夫知興化軍愈老故承直郎沿海制置司幹辦公事戊戌甲科先公四年卒女一人嫁某官吳舜龍孫男三人坡翁紹翁礪翁東刪公自號也里人稱之曰東刪先生十一年十一月甲寅合葬於南奧之原余嘗謂本朝名爭臣多矣惟天聖之孔危慶歷之歐蔡熙寧之呂劉建中之鄒

陳至今猶有生氣非以其能言也以其能言人所不能言也由端嘉至淳祐如洪舜俞王去非杜成己徐直翁李元善方德潤唐伯玉及公北八君子言論風旨暴白於世豈非以江表之玉振續中朝之金聲歟公居言責數日爾曰北司怙寵曰南陽害政曰斜封恐啓倅門曰火灾宜繼絕世前乎公者或沿是不合而去公繼其後持論愈勁豈非能言人所不能言歟公坦蕩無町畦而內涇渭甚嚴平居與人語若恐傷之一旦立風霜之地奮春秋之筆不以一字假人然自簡指陳雅責而已不巧詆也雖受責者愧之而不

敢怨自洪至唐皆余素友公自吳中來奉天基壽觴始識之於丁御史伯坐上傾倒如平生懽余與鉄庵中座狂瞽屏各居田里公來師闡書筒慰藉不絕余使粵與渝老同寅於公父子有情好故使君問銘於余余曰行狀叔方陳公筆也簡而有法余何以加諾之四年耄荒不克為儀而使君出牧泣謂余曰吾礱石久矣先友惟君殿後不可以復需矣乃書其大節於石公遺藁若干卷余所序也曾祖道先祖聞一父鶴三世隱德父以公貴贈大中大夫母金氏贈碩人銘曰寶慶之相負夾日功一濡其沫立致顯融公

後村先生大全集

獨掩臯不受牢籠間因賜對造膝輸忠上既親政簡  
在清衷垂拜紫官乃出觀風福星迭照澗西灝東公  
無遐心帝有追鋒擢登駙省明良相逢公感上知蹇  
蹇匪躬諫草一傳紙貴洛中非公之賢惟常之聰及  
雷歎出畫雍容歲晚兩召眷注愈濃或者嗟獎其  
如冥鴻全晚節香抱明月終嗚呼悲夫人亡國空  
不可泯者奏篇民庸後有良使議論必公余筆久禿  
如闊疆弓南粵之阡肅肅萬松敬述斯銘以詔無窮

後村先生大全集卷之一百四十四

第35440号


平成 3.11.22

聖園書館  
和短大  
學

928

口

35



四

